



# MILIANTE LEH KHÂUTE

CHÂNGVAWN: “I infuih tawn zâwk ang u,” (*Hebrai 10:25*, NIV).

Chhiar Tûr: Number 13:1–3, 17–33; *Thlahtubulte leh Zâwlneite*, pp. 459–469.

Thúchàh: LALPÂ hniakhnung zui tûrin kan infuih tlâng thîn.

**C**AMPING neihnaah i tel tawh ngai em? A nih lòh leh hmún danghte in pêm/insawn tawh ngai em? A ni hmasa bera zîng han thàwh emaw, hmúnhmâ han fan vêlte hi a nuâm duh fû a ni. Pathian pawhian Israel fâte kha, an chên hlenna tûr hmún an thlen hmâin, va thlîthlâi hmasa tûrin remchâna A siamsak a ni.

**M**OSIAN Hebrai (Israel) hote chu Aigupta ram ațanga a hruai chhuah khân, Goshen ram bial ațangin Tuipui Sen lam panin an chhuak a. An zînga a tû mah khân kawng chin pawh an hre lo va, Pathian chauhin a hria a ni. Chuvângin chhûm ding lianpui hmangin A hruai a. Chû chhûm chuan chhûn nisa lakah daihlim nuâm tak a siamsak a. Zânah erawh chuan chû chhûm chuan ênna leh lumna a siamsak thung a.

Mipuiten Ram Tiâm an lo thlen hnaih chuan, Pathianin Israel hnam tinte chu an hruaitu tûr thlantîr theuh tûrin Mosia chu A hrihl a. Chûng mîte chu an kalna tûr ram va thlîthlâi (enthla) hmasa tûr an ni. Chûng mîte hnênah chuan Mosia’n, “Ram chinchâng va hria ula. Thei tlêma zâwng min rawn hawnsak ang che u,” tiin a chah a.

Ni 40 an thang hnû chuan chûng mîte chu an lo hâwng leh a. Anmahni hmuak tûrin Israel mipuite chu an lo chhuak a, ram chanchin an sawite pawh ngaihlâk an châk baw k a. Pa sâng thlerh thlawrh tak mai, Kaleba, Juda hnam hruaitu, pa chak tak ni baw chu, report pêk châk tak mai chuan din chhuah nghâl a châk hlê a.

Joshua, Efraim hnam hruaitu tlangvâl chak tak mai pawh chuan report ngaihnawm tak pêk tûr a nei baw k a. Mahse dawhtheih takin mi dang kal vête chu report an pêk hmasaktîr ta zâwk a.

Anni pahnîh chuan report pe hmasatûte chuan hetiang a an sawi hi an beisei a, “Ram chu a thâin, Pathianin kan hnêna A sawi tâk ang khân, khawizû leh hnûtetui luânna ram chu a lo ni ngêi a lâwm. Chû rama theite pawh chu tlêma zâwng kan rawn hawn ang chiah hi a ni mai,” tiin. Kaleba leh Joshua chuan grêp bâwr tha tak an tianga rawn zâwntûte





pawh chu, an thil zâwn chu entîr tûra an lo dinchhuah an beisei a. Mahse report pe hmasatûte chuan chutianga ti ta lo chuan, chû rama chêngte chu mi âwmkhâuh leh chak pui pui an ni a, an khawpuite chu vân tawng hiala kulh neite an nih thû an sawi ta daih mai zâwk a.

Lo ngaithlatu mipuïtu chu lungâwi lo takin an phur ta mur mur mai a. Thil kal dân chu a duhawm dân lo tawp mai tih Kaleba chuan a hre nghâl a. Mosia leh mipuïte hmâah chuan a lo tazep vat a. Huaisen takin hetiang hian a sawi vê ta thung a ni, “Han thawk chhuak i la, ram chu i lâ ang u. Ram tha tak a ni a, kan la thei ngêi ngêi ang,” tiin mipuïte chu fuih phûr a tum a. Enthlatu dang sâwmte chuan, “Engtin nge kan lâk theih ang? Chûng mi liante lakah chuan khâu ang lek niin kan inhria a. Annî pawh chuan khâu ang lekin min hmû a ni,” tiin an hlahu thû an sawi thung a.

Mipuïte chuan an âw an chhuah a, mangang takin zankhuân an âu va. Hetiang hian rawtnate an siam chhuak zui a, “Hetiang thlalêr hmuna thih tlâw ringawt âi chuan Aigupta ramah khân lo thi ta mai ila a tha zâwk daih tûr! Engati nge LALPAN chû ram lam pana min hruai lê? Indonaah thàh kan ni ang a, kan nupui fanaute chu salah an man mai dân a sin! Hawh u Aigupta ram lamah i kîr leh zâwk ang u,” tiin an âu va, a then an tap tengtung bawk a.

Mosia leh Aarona-te chu hmâia lei sîin an bawkkhup a. Israel fâten Pathian rinna an tlâkchham êm avâng chuan Kaleba leh Joshua-te chu an rilrû a

mangang hlê mai bawk a. An kawr hâklaite chu pawthlêrin, mipuïte chu tingâwi tûrin an kutin an zâp bawk a.

Mi rinawm leh huaisen pahnihte chuan hetiang hian an sawi vê ta thung a, “Ram kan han enthlâk tâk chu ram duhthusâm ang thlap hi a ni ber mai! Chuta chêngte chu hlâu duh teh suh u. Pathian tanpuina zârah awlsam takin kan hneh mai dân a ni. LALPA chu kan zîngah A awm a, min kalsan hlei nê!” an ti a.

Kaleba chuan mipuï thinrim lam chu a thlîr vê lo va. Enthlatu dang sâwmte erawh kha chuan beidawn leh zâwmna tûr thû kha mipuïte zîngah an thehdarh a nih kha.

Kaleba chuan a lû a thing a. “An sawi kha a dik lo. Ram mâwi leh ram tha tak a ni, thlâi tin rêng tamna a ni a, eitûr a tam êm êm a ni. Grêp bâwr khat ngawt pawh hi mipa pahnih zâwn tâwk hial zu ni â! Ni e, a rama chêngte chu mi chak leh thiltitheï tak an ni rêng a. An khawpuite pawh kulh nghet tak tak nei a ni tih chu a dik e. Mahse Engkimtitheï Pathian chu kan lama tang a ni a, engmah hlahu tûr a awm lo!” tiin a sawi a.

Vawilehkhatah mipuï tap leh âu chu thil duhawm lo zâwk ti tûrin an inthural tlâng ta thut mai a. “Hawh u, annî hi lungin i dêng hlum ang u!” tiin Mosia te, Aarona te, Kaleba leh Joshua-te chu an kâwk ta mai a. A ruâlîn, “Dêng r’û! Dêng r’û!” tiin an âu va.

Chutih lai tak chuan LALPÂ chênpuina, inbiakna puan in chungah chuan thil êng tak mai hi a lo êng ta phût mai a. Mipuïte chuan hlâu leh zâm êm êma an mît chu an kuta hùp châwih châwih chungin inhliahna an zâwng ta ruâi mai a ni.

Chutah LALPAN thû A rawn sawi zui ta nghâl a. “Ram Tiâma luh chu in hlahu avângin, in lût lo vang. Nangni puitling chin zawng zawngte hi in thih fai vek thlengin thlalêrah hian in vâk in vâk ang. In fâte erawh hi chu, nangnî duh loh ramah chuan Ka hruai lût dân a ni,” tiin A puâng a.

Kaleba leh Joshua chungchângah chuan, Pathianin, “Anni pahnih hi chuan phûrna tûr thû an sawi avângin chû ramah chuan an lût ang,” A ti a. Kaleba leh Joshua-te ang khân, Lalpâ hnung zui zêl tûrin kan infuih phûr tlâng theï a ni.

## TÌHTÛR

### Sabbath Chàwnhû

- In chhûngte nêh khawi lai ramhnuai hmun remchâng laiah emaw lêng chhuak ula. Kanaan ram enthlatu angah inchan teh u. Tichuan in zirlai leh *Hebrai 10:25* in chhiar nghâl dâwn nia.
- “I’ve Got a Home In Glory” (No. 55) tih hlâ kha hlim takin in saho ang che u.

### Sunday

- Chhûng inkhâwm in neihnaah, *Nambar 13:1-3* chhiar ula.
- Bible map-ah Israel fâten Aigupta ațanga Sinai, chutah Sinai ațanga Kadesh-barnea chhui zui zêl ula. Paran Thlalêr awmna pawh hmuh tum ang che u. Chû hmun ațang chuan Mosian Kanaan ram enthlatu tûrte a tîr chhuak a nih kha.
- In chhûngte hnênah in chângvawn hi zirtîr vê ang che u.

### Thàwhțannî

- In chhûngte nêh, in zirlai thawnthû *Nambar 13:21, 23-28* chhiar ho ula. Enthlatûte khân Kanaan ramah eng thil thâte nge an hmùh? Engang mîte nge an hmuh târlang ula (Anaka thlahte kha milian pui pui an nih kha). Grêp bâwr zâwn chungâ enthlatûte lo hâwng lai lem chu in thiam angin in ziak dâwn nia.
- Chanchin lâwmawm in hriat hian engangin nge in ngaih thîn? Chanchin duhawm lo in hriat chângin? Kan tâna Ram Tiâm, Vânrâm chanchin ngaihnaawm taka hrilh tûrin in chhûngkuain lo ruâhman lâwk ang che u. In chângvawn kha in chhûngte hriat tûrin ring takin han sawi teh u.

### Thàwhlêhnî

- In chhûngkaw worship neihnaah *Nambar 13:30-14:4* chhiar ula. Hêng thûte hi infuih phûrna tûr thû nge, intihzâmna tûr thû zâwk? Engvâng nge?
- In chhûngkuain game chi khat “Thil Thalo Thil Thâa Chantîr” tih hi intihhlim nân hmang teh u. A tihdân tûr chu: In zînga pakhat khân min tizâm thei lam thû in hriat thinte sawi/ziah tûr a ni dâwn a. A tih zawhah, a dawta mi zêl khân chû thu kalh (phûrna thlen thei thu lâwmawm) a sawi/ziak vê thung ang. (Entîrnân, ‘Vawiin khuâ chu a vâwt hrehawm hlê mai’ tih ni ta se, ‘Vawiin khuâ chu a nuâm hlê mai’ tih angtea thlâk ni se. Chutiang chuan țawngkam dang dang hman tûr a ni.)
- In chângvawn kha nâl takin han sawi teh u.

### Nîlâinî

- In chhûngte nêh *Nambar 14* chhiar ula, Kaleba leh Joshua-te khân enge an tih a, enge an sawi bawk (*châng 5-9*)? Enge tih an tum ber? An hlawhtling tâ em? (*châng 10*).
- Vawiin hian mî tû emaw zâm leh rilru beidawng deuh hriat in nei em? Chu mi chu fuih phûrna tûr thû emaw, thil lem emaw ziak ula, in Bible châng duh tak pawh ziak tel ngêi ang che u. Chu mî tân chuan țawngțaisak nghâl ang che u.
- “Have You Got the Sunshine Smile?” (No. 36) tih hlâ kha ring takin sâ ang che u.

### Níngãnî

- In chhûngte nêh *Nambar 14:21-25, 30, 31, 34, 35*-a Israelte tâna thil ruâhman tihdanglam a nih tâk dân kha chhiar teh u.
- Engtin nge an chanchin kha hlimawm deuh zâwka tihtâwp a nih theih dân tûr?
- In chhûngkaw member tinte puâl tûrin thei rah lem ziak ula, chutiangah chuan anmahni fuih phûrna tûr Bible châng thu inhmeh tûr in ziak zêl dâwn nia.
- “LALPA Nêh Lêng Zâin” (No. 67) kha phûr takin han saho teh u le. In thiantê nêh in chângvawn vawng tûrin zîr ula. Tawngțaisak an ngai em zâwtin, in țawngtaiho nghâl dâwn nia.

### Zirtâwpnî

- In chhûngkaw worship-naah, in zirlai thawnthû hi lemchanah hmang teh u.

- Pathianin thil thâ eng emaw A tihsak che u chungchâng sawi ula.
- *1 Timothea 2:2* chhiar ula, in kohhran enkawltu pastor tân ʔawngʔaisak ang che u. In pastor hnênah fuih phûrna tûr card/thû thawn ang che u.
- Thiam nâl takin in chângvawn sawi teh u.

## PUZZLE

### Puzzle 1

**KAWHHMUHNA:** A hnuaiia milem chhûnga English thu inziak hi infuih phûr tûra thurâwn min pêk chu a ni a, a bul aʔanga chhiarin, thu pahnihna zêl (**GIANTS, AND, GRASSHOPPERS, DON'T, COUNT**) hi thâichhia ula, thâi chhiat bâk zawng chu rem khâwmin, chhiar teh u. A awmzia chu Mizo ʔawng Bible-a *Hebrai 10:25* thû kha a ni e.

